



## Universitätsbibliothek Paderborn

### **Theologiae Mysticae Sive Exercitiorum Spiritualium Admodum Reverendi Patris P. Aloysii Siderei, Alias Vincentii Caraffa, Societatis Iesv Praepositi Generali, Tomus ...**

ex Italico Latino recenter idiomate opera et studio fidelissimi cuiusdam  
interpretis donatus

Peregrinus terræ. Fasciculus Myrrhæ Siue Considerationes Variæ Super  
Plagas Et Vulnera Christi D.N. Itinerarium. Seraphinus. Civis coeli

**Caraffa, Vincenzo**

**Coloniae Agrippinae, 1660**

cap. 3. Idem declaratur ex autoritate sacræ scripturæ

[urn:nbn:de:hbz:466:1-49469](https://nbn-resolving.org/urn:nbn:de:hbz:466:1-49469)

Galat. 4.

*malos fructus facere, neq; arbor mala bonos fructus facere.*  
 Toto vitæ tempore fuisti arbor mala & pessima, viuendo semper in peccato: quomodo sperare poteris, te sub finem vitæ pro iucturum vitæ fructus? Et ex hac Christi doctrinâ infert S. Apostolus Paulus, quod quæ semina: homo in vita, hæc & metat in morte, & colligat conformiter seminauerit. *Deus non irridetur, q. d. Verba Dei non sunt trahenda in iocos & risus, quæ seminaueris homo, hæc & metet.* Quod si igitur tempore vitæ tuæ non nisi peccata & offensas Dei seminasti, quomodo igitur in morte gratiam & reconciliationem cum Deo metes? Huc vsque Oraculum Christi, quo Evangelii veritas remanet demonstrata, & coniuncta Mundi falsitas: quod, videlicet, vita mala haud esse possit dispositio ad bonam mortem; sed malam subinferat mortem, & qui viuit in peccato, vbi sperat mori in Gratia, morturus sit in peccato.

*Authoritas sacræ Scripturæ.*

Caput III.

**T**ertio loco pro eiusdem veritatis probatione addita auctoritas Spiritus Sancti in sacra Scriptura expressa: etenim quod proponit Pater, approbat Filius, confirmat Spiritus sanctus.

Amos c. 1.

In Amos Propheta leguntur hæc minæ Dei: *Super tribus sceleribus Damasci, & super quartum non conuertam eum, q. d. propter tria peccata Damasci adhuc eis miserabor, eaque remittam; ast si peccatis istis peccata adhuc adiecerint, non remittam, neque veniam dabo.* Horum peccatorum, iuxta Ruperti expositionem, primum est consensus, secundum opus, tertium consuetudo, quartum & vltimum, de quo loquitur Deus: *non conuertam eum*, est peccatum obstinationis; & est eorum: qui in vita nolunt agere pœnitentiam; sed tempore instantis mortis pœnitere cupiunt. Hoc, inquit Deus summa veritas, transire non potest, non sunt termini si-

Rupert. in  
 hunc locum.

mul volubiles hæc duo. imp. penitentia in vita, & peniten-  
 tia in morte: odio habere conversionem in vita, & a-  
 mareandem in morte: ut amplexeris peccatum adhuc  
 sanus & viuis, factus vero infirmus infirmus & mori-  
 bundus veis illud detere. Quis non expauescet ac  
 formidabit horribile illud & tremendum Dei verbum:  
*Non conuertam eum?* Peccatori tempore mortis suæ  
 nullum dabo locum penitentia, non conuertam de sta-  
 tu peccati ad Gratiam, non benigno Patris, sed iracundo  
 & horribili iudicis vultu eundem respiciam. Accedat  
 nunc peccator, & libero corde, aliâque voce dicat:  
*Conuertar* in morte, tunc agam penitentiam, totus ero  
 Dei, nuncium mittam Mundo, Carni & Dæmoni: enim-  
 uerò respondet Deus: *Non conuertam eum.* Te ipsum  
 fallis, ô infelix, putasne te conuertere sine Deo? Deus  
 inquit: *Non conuertam,* & tu contrarium illius, quod  
 Deus loquitur, affirmare audes? *O conuertar,* vanum &  
 vesipellem impostorem, qui paradysum inuastasti, in-  
 fernum ditasti! *O Non conuertam,* verum certum ac in-  
 fallibile Dei eloquium, quo iustissimè castigat peccato-  
 res! Prodeant nuoc in medium omnes damnati ex or-  
 co, interrogemus eos, quid dixerint in vita? *Conuerse-  
 mur in morte.* Quid dixit Deus? *Non conuertam eos*  
 in morte. Utra harum sententiarum verificata fuit:  
 quis dixit veritatem? Omnes isti spe suâ decepti sunt,  
*errauerunt in via veritatis:* Deus solus veritatis asser-  
 tor, totum, quod dixit, verificatum fuit. Dixit, *Non*  
*conuertam in morte,* & re ipsâ, uti Deus prædixit, ita fa-  
 ctum est, in morte non conuersi, sed post mortem æter-  
 nis cruciatibus adiudicati & damnati sunt. Idem vo-  
 bis planè contingeret, si in vita non conuersi, instante mor-  
 te vos primò conuertere decreueritis. Quapropter  
 hanc sententiam tanquàm veritatem irrefragabilem, in-  
 deletilibus litteris & characteribus cordi vestro inscri-  
 beas: *Qui non se conuertit in vita, & in morte sese conuer-  
 tere cogitat, neque in vita, neque in morte sese conuertit:*  
 non in vita, propter defectum peccatoris dicturi: *Non*  
*conuertar;* non in morte, propter iustissimam punitionem  
 Dei dicturi: *Non conuertam.* Muta ergo senten-  
 tiam & mentem, per dilectè Christiane: illud *Con-*

*uerar*, quod inutiliter & frustratorie pro morte reser-  
uas, vsurpa in vita, & noli amplius dicere in futuro ver-  
bum illud, *Conuertar*; sed conuerto in presenti: ecce  
subito, *hic*, hoc in loco, vbi de facto sum, *nunc*, hoc ipso  
temporis momento, in quo viuo actualiter, vitam mu-  
to, desero peccatum, Diabolo renuncio, redeo ad serui-  
tutem Dei mei, veri & naturalis mei Domini. Sicque  
securus, quod sit te in vita conuersum te deprehendes.

Hanc scripturam Amos Prophetæ aliâ quâdam ex  
Oseâ desumptâ stabiliamus & confirmemus. Quadam  
vice percepit Deus Oseâ Prophetæ, *ut acciperet sibi  
uxorem fornicationum*. Obediuit Prophetæ, & cum ea  
habuit tres filios, primus vocabatur, *Afflictio*; secundus  
*Absque misericordia*; tertius, *Non populus meus*. Quofa-  
cto Deus demonstrare voluit tres miserabiles peccato-  
ris status, *in vita, in morte, & post mortem*: in vita voca-  
bitur *Afflictio*, quia continuo affligetur & torquebitur à  
remorsu conscientiæ, propter peccati, in quo constitu-  
tus est, obstinationem. In morte habebit nomen *Absque  
misericordia*, quia cum Dei misericordia Dei hæcenus  
fuerit abusus tempore *vitiæ*, eam non reperiet, & in pen-  
nam omnis illi denegabitur misericordia in morte. Et  
post mortem dicitur: *Non populus meus*: quia ab electo  
populo Beatorum in cælis excludetur, & cum populo  
reprobo damnatorum in Inferno condemnabitur. Con-  
sidera modò hos tres infelices peccatoris status, & vnum  
peiores altero. Malus est primus, peior secundus, ter-  
tius pessimus; & per vnum fit ascensus ad alterum; ob-  
stinatio in vita conducit ad impenitentiam in morte, &  
ista ad damnationem post mortem. Caue igitur, nè pe-  
dem in primo gradu colloces, secus, te quoque reluctan-  
te, peruenies ad secundum, & ex hoc ad vltimum, ac pro-  
indè ad extremam ruinam tuam & miseriam.

Utrique huic Prophetarum authoritati adiungatur  
*Eccl. 5.* *tertia, quæ est authoritas Ecclesiastici: No dicas: Misera-  
tio Domini magna est, multitudinu peccatorum meorum  
miserabitur in morte. Misericordia enim & ira ab illo ci-  
tò proximant, & in peccatores respicit, q. d. misericordia  
namque Dei pari gradu & gressu ambulat cum ira & iu-  
sticia*

stitia eius, ut ostendat se misericordem erga peccatores, & in impenitentes iustum: siquidem graue delictum, & sacrilegium intollerabile est, abuti misericordia Dei: si quis, nimirum, ea utatur, ut eò magis offendat Deum, in eiusque perseueret inimicitia & offensa. Sperandum quidem est in misericordia Dei; sed ut quamprimum peccati statui vale dicas, & subito cum Deo te reconcilies, secus te ipsum defraudabis, & ubi speras obtinere misericordiam, reperies iram, iustitiam & vindictam Dei: quia *ira Dei respicit peccatores*, vel ut alii legunt: *requiescat super peccatores*, vindicatrix manus Dei peccatores obstinatos non castigabit obiter, sed per omnia secula, & in æternum constanter & permanentèr in eis perseuerabit ira Dei. Hæc igitur sententiæ huius sit conclusio. Misericordia & ira Dei pari gressu ambu- qui misericordia Dei abutitur in vita, eiusdem iram ex- hant: & perietur in morte.

Concludat hoc caput sapiens consili- um per Dauidem Regem traditum Filio suo Salomoni: *Tu Salomon, fili mi, seruo Deum patris tui, & seruis ei corde perfecto*. Procura Salomon, fili mi, ut Dei recorderis in vita tua, ei- que toto corde seruias. *Si quaesieris eum in vita tua, in- uenies ipsum & in vita & in morte tua: si autem dere- liqueris eum in vita, proiciet te in æternum in morte tua*. Eandem pro se petebat gratiam Regius Propheta, dicens: *Conuertere, Domine, saluum me fac propter misericordiam tuam, quia non est in morte, qui memor sit tui*. Modò adhuc mihi uiuenti largire gratiam, Domine, & egò verè perfectèque me conuertam ad te: alioquin neque etiam in morte memor tui ero, à te derelictus.



Testimo-